



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Vxorem in somnis alloquitur.

urn:nbn:de:hbz:466:1-13534

VERSUS

Ecce pestanos pede pressat hortos
 Virgo, quam uer insequitur, cui ipsa
 It comes aura.
 Aurâq; et ueris decor. en amores
 Lusitant circùm, en pharetræ, facesq;
 Ventilant, spargitq; suos honores
 Læta iuuentus.

Qua mouet nympe, hac humus ipsa ridet,
 Ridet hac aer. fluit ipse læto
 Amne Sebethus, canit uxor imo
 Cærule ab antro.

Huius è uultu, placidisq; ocellis,
 Instruit sese Venus, et Cupido,
 Altera accendens faculas, et alter
 Spicula torquens.

Ah quid, ah dulces Paphiæ cænendo
 Illius mentem erigitis? superbit
 Et lyra, et cantu, tumet heu proteruius
 Carmine fastus.

VXOREM INSOMNIS colloquitur.

Umbra sis felix mihi. sunt ne ueri
 Vxor amplexus? uigilantis an' ne
 Cura te in somnis agit? atq; uana
 Ludis imago?

Umbra sed quamuis, mihi chara salue,
 Et mihi felix ades. osculantem
 Osculans te te accipioq; amansq; am
 plector amantem.

Credit et uirgo speculo. ast imago

Ludit

Ludit indulgens speculi. perinde
Somnia & mentes capiunt, amantq;
Somnia mentes.

I' puer, nocti caue sacra, nocti
Tura succendens. per opaca noctis
Vmbra uersatur. uolat usa noctis
Vmbra fauore.

Nox parit somnos, hominum quietem.
Hi uocant imis animas Auernis
Morte contempta, & simulacra uiuis
Mortua iungunt.

Vos pijs manes, memores senectæ
Vltimæ iam, sacrificæ ex acerra
Munera hæc, stacten capite, & Sabeæ
Mercis honores.

Dumq; nos rursum Elysijs in recessu
Iungat obstringens amor, haud grauari
Et senis somnos Ariadna, amatum &
Visere lectum.

LAVDES ALPHONSI ARAGONEI
Ducis Calabriae, Ferdinandi Regis filij,
de clarissima eius uictoria.

Et dijs cultus placet, & deorum
Addecet cultus simulacra summos,
Addecet montes nemora, & strepentem
Populus amnem.

Littus & gemmæ, mare classis ornat,
Aera & lux, aurea tecta diuûm
Sydera illustrant, uaria & coruscis